

¡BOMBA!

Seguirá resonando Francisco
en todos sus feligreses:
puso en su lugar al fisco
moral de curas que no mereces



K'uintsil

Miércoles 23 de abril de 2025

CAMPECHE · YUCATÁN · QUINTANA ROO · AÑO 10 · NÚMERO 2463 · www.lajornadamaya.mx

Sábado kun beetbil u funeralil Papa; desde miércoles kéen béeyak u ts'ook ila'al tumen kaaj láak'intik



Afp / P 29
Oochel Reuters

U funeralil papa Franciscóe' yaan u beeta'al le sábado ku taala', ba'ale' yaan u béeytal u ts'ook ila'al desde le miércolesa', tu kúuchil basílica de San Pedro, beey úuchik u k'a'aytal tumen Vaticano.

U misail le funeralo' yaan u beeta'al ti' u vaticanoil kúuchil San Pedro, yóok'ol bej láayli' beey u k'aaba'o' yéetel tu'ux ts'ook ila'ab argentinoil jk'iin le Domingo de Resurrección máaniko'.

"Tu k'iinil Pascuae' tin wilaj Papae' ka'anán. Tu ts'áaj u yóol tak tu ts'ook k'iinil, tak ka'aj xu'ul u ch'a'ak u yiik", tu ya'alaj cardenal franco-españolil François Bustillo, u obispoil Ajaccio. "Chúumuk ti' u kaajal yaan ka'aj binij", tu ya'alaj.

U restosil Jorge Mario Bergoglio' ti' yaan tu capillail tu'ux kaja'an ka'ach Santa Marta, tu'ux jk'iim le lunes máaniko', ka'alikil 88 u ja'abil, úuchik u tsa'ayal ti' ictus, tu jo'olaj óoli' jump'éeel wi'inal

jóok'ok ti' u kúuchil ts'akyaj úuchik u talamtal u ch'a'ak u yiik'.

U wiinkilae' oksa'an ichil u cajail, búukinta'an ti' u chak casulla yéetel u sak mitra; tu k'abe' ba'ak'ana jump'éeel rosario yéetel kaláanta'al tumen suizoil máako'ob, beey úuchik u chíikbesa'al ti' yáax oochelo'ob jóok'sa'ab lunes ka'aj k'iitbesa'abo'ob le martes máanika'.

Ichil ba'ax j-a'alab tumen italianail pensae' táan u páata'al u kóojol kex medio millonil máako'ob te'el funeralo',

tu'ux táaka'an tak u jala'achil noj lu'umo'ob ti' u jejeláas kaajilo'ob yóok'ol kaab, je'el bix j-ucranialil Volodymyr Zelensky; ba'ale' jrusoil, Vladimir Putine' ma' u tukultmaj u bini'.

Juntu'ul ti' le máaxo'ob k'a'ayt yaan u kóojol Romae', leti' u jala'achil Estados Unidos, Donald Trump, kex k'as ba'atelnaj yéetel Francisco yóok'olal táanxel kajil máako'ob. "¡Táan kts'iibóoltik kbin te'elo'!", tu ya'alaj le lunes máaniko'.